

জন অংশগ্রহণ

স্বচ্ছতা ও জবাবদিহিতা

বিধিতদের অধিকার



কোস্ট ফাউন্ডেশন, জন প্রতিষ্ঠানসমূহে নাগরিকদের অংশগ্রহণ (সিইপিআই) প্রকল্প বাস্তবায়ন করে যাচ্ছে। মানুষের জন্য ফাউন্ডেশন এর কারিগরি সহায়তায় ও এফসিডিওর আর্থিক সহায়তায় সিইপিআই প্রকল্প ভোলা জেলার ভোলা সদর, দৌলতখান ও লালমোহন উপজেলায় বাস্তবায়ন করছে। প্রকল্পের মূল লক্ষ্য হচ্ছে জন প্রতিষ্ঠানসমূহে স্থানীয় নাগরিকদের অংশগ্রহণ বৃদ্ধির মাধ্যমে দরিদ্র ও প্রান্তিক জনগোষ্ঠীর জন্য বিভিন্ন সুযোগ-সুবিধা ও সেবার ক্ষেত্র সৃষ্টি করা।

স্থানীয় পর্যায়ে সামাজিক নিরাপত্তা কর্মসূচির সূষ্ঠা বাস্তবায়নে অগ্রাধিকারভিত্তিক প্রকৃত হত-দরিদ্রদের তালিকা তৈরি করনে নাগরিক ফোরামের আহবান

স্থানীয় পর্যায়ে সামাজিক নিরাপত্তা সেবার সার্বিক চিত্র ও সুপারিশসমূহ তুলে ধরতে জেলা নাগরিক ফোরাম ভোলা 'র উদ্যোগে ২২ ডিসেম্বর '২১ বিকাল ৩.০০ টায়, জেলা প্রশাসকের সম্মেলন কক্ষে অনুষ্ঠিত সামাজিক নিরাপত্তা পরিষেবার মানোন্নয়নে নাগরিক সংলাপে বক্তারা স্থানীয় পর্যায়ে সামাজিক নিরাপত্তা কর্মসূচির সূষ্ঠা বাস্তবায়নে অগ্রাধিকারভিত্তিক প্রকৃত হত-দরিদ্রদের তালিকা তৈরির প্রতি গুরুত্ব দেয়ার আহবান জানান। তারা



নাগরিক সংলাপে বক্তব্য রাখছেন মোঃ তৌফিক-ই-লাহী চৌধুরী, জেলা প্রশাসক, ভোলা। ছবি: রাজিব ঘোষ- প্রকল্প কর্মকর্তা

আরো বলেন সরকারের সামাজিক সুরক্ষা কর্মসূচির উপকারভোগী নির্বাচনের ক্ষেত্রে নিয়ম অনুযায়ী ইউনিয়ন ভিত্তিক বাছাই কমিটিগুলো গঠন করার কথা থাকলেও অনেক ক্ষেত্রেই তা হচ্ছে না। কমিটি গঠনের সময় ব্যক্তিগত পছন্দ ও অপছন্দের অধিভুক্তি প্রাধান্য পাওয়ায় সামাজিক সুরক্ষা কর্মসূচির উপকারভোগী বাছাই প্রক্রিয়া পক্ষপাতদুষ্ট হচ্ছে ফলে যোগ্য পরিবারগুলো বাদ পড়ছে তাদের প্রাপ্য পরিষেবা থেকে। সামাজিক নিরাপত্তা সেবার মান উন্নয়নের ক্ষেত্রে কিছু পদ্ধতিগত বিষয়কে গুরুত্ব দিয়ে স্থানীয় প্রতিবন্ধকতা সমূহ দূর করতে পারলে এর মান অধিকতর শক্তিশালী করে তোলা সম্ভব বলে মতামত দিয়েছেন অংশগ্রহণকারীরা।

উক্ত সংলাপে প্রধান অতিথির বক্তব্যে মোঃ তৌফিক-ই-লাহী চৌধুরী, জেলা প্রশাসক, বলেন আমরা বিশ্বাস করি, স্থানীয় পর্যায়ের সীমাবদ্ধতা সমূহ কাটিয়ে উঠতে এবং সামাজিক নিরাপত্তা কর্মসূচী সেবার মান বৃদ্ধিতে সকলের সম্মিলিত প্রচেষ্টার প্রয়োজন বিশেষ করে সরকারী কর্মকর্তা-

কর্মচারী, স্থানীয় সরকারের জনপ্রতিনিধি এবং নাগরিকদের সমন্বয় অত্যন্ত জরুরি। জনগণের মধ্যে সচেতনতা বাড়তে নাগরিক ফোরামের উদ্যোগ সত্যিই প্রশংসনীয়, এই ধরনের উদ্যোগ সরকারের উদ্দেশ্য বাস্তবায়নে সহায়ক ভূমিকা পালন করবে।

টেকসই উন্নয়নে স্থানীয় সরকার কার্যকর করনে স্থানীয় সরকার জাতীয় কনভেনশন ২০২১

মানুষের জন্য ফাউন্ডেশন এর আয়োজনে কার্যকর স্থানীয় সরকার জাতীয় কনভেনশন ২০২১ উপলক্ষে কোস্ট ফাউন্ডেশন এর মাধ্যমে ভোলা জেলার প্রত্যন্ত অঞ্চল হতে অংশগ্রহণ করেন লালমোহন উপজেলার লর্ডহার্ডিঞ্জ ইউনিয়ন পরিষদের চেয়ারম্যান আবুল কাসেম মিয়া। তিনি জন অংশগ্রহণ এবং স্থানীয় সরকার প্রতিষ্ঠান সমূহের স্বচ্ছতা ও জবাবদিহিতা বিষয়ের উপর ডায়ালগ অধিবেশনে অংশগ্রহণ করেন। অংশগ্রহণকারীদের মধ্যে তিনি চেয়ারম্যান যে সকল প্রস্তাবনা সকলের সামনে তুলে ধরেন বলেন ইউনিয়ন পরিষদ গুলিতে সম্পদের পরিমান কম, ইমারত নির্মাণের ক্ষেত্রে



বক্তব্য রাখছেন আবুল কাসেম মিয়া, চেয়ারম্যান, ৯নং লর্ডহার্ডিঞ্জ ইউনিয়ন পরিষদ, লালমোহন। স্থান: কৃষিবিদ ইনস্টিটিউশন, ঢাকা

কোন ট্যাক্স নির্ধারনের হার উল্লেখ নেই, গ্রাম আদালত পরিচালনার ক্ষেত্রে ৭৫০০০/-টাকার উদ্ধে বিচার কার্য সম্পন্ন করতে পারেন না, ওয়ার্ড সভায় ৭০ থেকে ৮০% উপস্থিতি নিশ্চিত করা সম্ভব হয় না, হাট বাজার জল মহল গুলি ইউনিয়ন পরিষদের আওতায় ইজারার আওতায় থাকা উচিত, ভাঙ্গন কবলিত নদীর সাথে যুক্ত ইউনিয়ন গুলি অধিকাংশ পেশার মানুষ জেলে তাই জেলেদের জন্য মাছধরা বন্ধকালীন সময়ে প্রকৃতজেলেদের জন্য যথাযথ চালের বরাদ্দ রাখা উচিত, পানি উন্নয়ন বোর্ড এর বাঁধ সংস্কার কালীন সময়ে ইউনিয়ন পরিষদের সাথে সমন্বয়সাধন করা জরুরি।

২নং ইলিশা ইউনিয়নে নিরাপদ সুপেয় পানি বিষয়ক সংলাপের ফলে নলকূপ মেকানিক এর সেবার দ্বার উন্মুক্ত হলো

ভোলা সদর উপজেলার ২নং ইলিশা ইউনিয়নে কোস্ট ফাউন্ডেশন "জন প্রতিষ্ঠান সমূহে নাগরিকদের অংশগ্রহণ" প্রকল্পের মাধ্যমে ইউনিয়নে নাগরিক ফোরাম গঠন করা হয়। নাগরিক ফোরামএর মাধ্যমে ইউনিয়নে সামাজিক পর্যবেক্ষণ করা হয়। পর্যবেক্ষণে স্থানীয় জনগণ গভীর নলকূপের সংস্কার বিষয়ে নজরদেয়, গভীর নলকূপের সংস্কারের অভাবে একেজো হচ্ছে গভীর নলকূপ, স্থানীয় জনসাধারণ এ বিষয়ে সিমাইন



নাগরিক সংলাপ- নিরাপদ সুপেয় পানি সেবা বিষয়ক, ২নং ইলিশা ইউনিয়ন পরিষদ। ছবি: সোহাগ হোসেন- প্রকল্প সহায়তাকারী

কস্টের মধ্যে পড়তে হচ্ছে কিন্তু নাগরিক ফোরামের আয়োজনে ইউনিয়নে সেবা গ্রহিতা ও সেবা প্রদান কারির সেবার মান উন্নয়নে ২৮ ডিসেম্বর ২১ সংলাপ অনুষ্ঠিত হয়। এ সংলাপের ফলে জনস্বাস্থ্য প্রকৌশল অধিদপ্তরের নলকূপ মেকানিক ইকবাল হোসেন ইউনিয়নের পর্যায়ক্রমে সকল অচল গভীর নলকূপ সচলকরার জন্য কাজ করবেন। তারই প্রেক্ষিতে ইউনিয়নের ৬নং ওয়ার্ডের মোঃহোসেন মাস্টার বাড়িতে গভীর নলকূপ সংস্কারে কাজ করবেন। নাগরিক ফোরাম প্রতিনিধিগণ বলেন আমরা আশা করছি এর মাধ্যমে আমরা ইউনিয়নে সরকারি দায়িত্বপ্রাপ্ত সেবাদান কারীদের সাথে সেবা বিধিত জনগনকে যুক্তকরা সম্ভব হচ্ছে, সেবার মান বৃদ্ধি পাচ্ছে।

ভেদুরিয়া ইউনিয়ন পরিষদে ইউপি চেয়ারম্যান এর উদ্যোগের ফলে উপ-সহকারী কৃষি অফিসারগণ ইউপি অফিসে বসে সেবা প্রদান করছেন

ভোলা সদর উপজেলার ভেদুরিয়া ইউনিয়ন পরিষদে উপসহকারী কৃষি কর্মকর্তাদের জন্য নির্ধারিত অফিস কক্ষ থাকলে তারা কখন সেখানে বসে পরামর্শ সেবা প্রদান করতেন না। বিষয়টি ওয়ার্ড পর্যায়ে জনপ্রতিষ্ঠান সমূহে নাগরিকদের অংশগ্রহণ প্রকল্পের নাগরিক ফোরাম সদস্যগণ কৃষকদের নিকট হতে আলোচনার ভিত্তিতে কমিটির ত্রৈমাসিক সভায় আলোচনা করে সেখানে কৃষি সেবার সিস্টেম নিয়ে আলোচনা হয়। বিষয়টি পরবর্তীতে ইউনিয়ন নাগরিক ফোরামের সভায় আলোচনার ভিত্তিতে ইউনিয়ন পরিষদের দ্বি-মাসিক উন্নয়ন সমন্বয় সভায় নাগরিক ফোরামের দাবীর প্রেক্ষিতে ভেদুরিয়া ইউনিয়ন পরিষদের চেয়ারম্যান জনাব মোঃ তাজুল ইসলাম তার ইউনিয়নে দায়িত্বরত উপসহকারী কৃষি কর্মকর্তা জনাব মোঃমাসুম বিল্লাকে সপ্তাহের ৫দিন ইউনিয়ন পরিষদের নির্ধারিত অফিস কক্ষে বসে পরামর্শ সেবার দেয়ার নির্দেশনা প্রদান করে।

এর পরিপ্রেক্ষিতে বর্তমানে উপসহকারী কৃষি কর্মকর্তা জনাব মোঃ মাসুম বিল্লাহ যথানিয়মে ইউনিয়ন পরিষদের নির্ধারিত অফিস কক্ষে বসে পরামর্শ সেবা দিচ্ছেন। এবং কৃষকগণ উপসহকারী কৃষি অফিসার ও



ভেদুরিয়া ইউনিয়নে উপ-সহকারী কৃষি কর্মকর্তাগণ এভাবে নিয়মিত সেবা প্রদান করছেন। ছবি: রাজিব ঘোষ- প্রকল্প কর্মকর্তা

মাধ্যমে সেবা পাচ্ছেন। এলাকায় যে সকল প্রদর্শনকারী হচ্ছে তা দেখে অন্য কৃষকগণ উৎসাহ পাচ্ছেন তারা ও যেন নিজেদের উদ্যোগে প্রদর্শনকারী ব্যবস্থাকরতে পারেন।

প্রকল্পের কার্যক্রম বাস্তবায়ন: লক্ষ্য ও অর্জন, ডিসেম্বর ২০২১

ক্রম	কার্যক্রম	লক্ষ্য	অর্জন
১	ইউনিয়ন ওয়েব পোর্টাল আপডেট	১৪	১৪
২	ইউনিয়ন ও ওয়ার্ড ফোরাম ফরমেশন	৩০	২৮
৩	ইউনিয়ন নাগরিক কমিটির সভা	১৪	১২
৪	ইউনিয়ন দ্বি-মাসিক উন্নয়ন সমন্বয় সভা	৬	৪
৫	ওয়ার্ড সচেতনতা মূলক সভা	৩৯	৩৬
৬	নিরাপদ পানি, ভিজিডি ও বিধবা বিষয়ক সোশ্যাল অডিট	২৬	২৬
৭	নিরাপদ পানি বিষয়ক ইউনিয়ন সংলাপ	১৪	১৪
৮	ট্যাক্স সংলাপ- পরিকল্পনা সভা	১১	৮
৯	ইউনিয়ন পরিষদের শাসন সামর্থ্য ও কর্ম-সম্পাদন যোগ্যতা নিরূপণ	২২	২২
১০	সেবা প্রক্রিয়া সহজিকরন ওরিয়েন্টেশন	৩	৩
১১	সোশ্যাল একাউন্টবিলিটি টুলস ইমপেলিমেন্টেশন ওয়ার্কসপ	২	২
১২	জেলা পর্যায়ে সংলাপ- সামাজিক নিরাপত্তা ও কৃষি সেবা বিষয়ক	২	২
১৩	ভিজিডি ডকুমেন্টারি	১	১

এই প্রকাশনাটি তৈরিতে প্রয়োজনীয় তথ্য দিয়ে সিইপিআই প্রকল্পের সকল সহকর্মী সহযোগিতা করেছেন।

বিস্তারিত তথ্য ও যোগাযোগের জন্য:

মোবাইল: +৮৮০ ১৭০৮ ১২ ০৪ ০৭ / +৮৮০ ১৭০৮ ১২ ০৪ ১৪

ইমেইল: fazlu@coastbd.net / monir@coastbd.net

কোস্ট ফাউন্ডেশন, সিইপিআই প্রকল্প বাস্তবায়ন কার্যালয়, সার্কিট হাউজ রোড, সার্কিট হাউজ এর বিপরীত পাশে, চরনোয়াবাদ, ভোলা সদর, ভোলা থেকে প্রকাশিত ও সংরক্ষিত।

কোস্ট ওয়েবসাইট ভিজিট : www.coastbd.net